



Social Security

Sa Ou Dwe Konnen Lè W ap
Resevwa Benefis pou Retrèt
Oswa Benefis Sivivan

2012



The background of the page features a stylized graphic of a rising sun or flame, composed of numerous curved, overlapping blue and orange bands. This graphic is set against a dark blue gradient background. Small white five-pointed stars are scattered throughout the design, particularly on the left side and in the bottom right corner. The overall effect is dynamic and celebratory.

www.socialsecurity.gov

Kontakte Sekirite Sosyal

Vizite wèbsayt (sit entènèt) nou

Wèbsayt nou, www.socialsecurity.gov, se yon resous enpòtan pou enfòmasyon sou tout pwogram Sekirite Sosyal. Nan wèbsayt nou ou ka tou:

- Aplike pou avantaj retrèt, andikap, ak Medicare;
- Revize *Etadkont Sekirite Sosyal* ou;
- Jwenn adres biwo Sekirite Sosyal ki nan zòn ou;
- Mande pou ranplase kat Medicare ou; epi
- Jwenn kopi piblikasyon nou yo.

Kèk nan sèvis sa yo disponib sèlman nan lang Angle.

Rele nan nimewo gratis nou

Anplis itilizasyon sitwèb nou, ou toujou kapab rele nou gratis nan nimewo **1-800-772-1213**. Nou trete tout apèl yo an sekrè. Si ou pale lang Panyòl, peze 2. Pou tout lòt lang yo, peze 1, rete sou liy lan, epi rete an silans pandan w ap tandem yon vwa k ap ba ou enstriksyon otomatik jouk lè yon anplwaye reponn. Anplwaye a ap kontakte yon entèprèt pou ede li avèk apèl ou a. Sèvis entèprèt la disponib pou gratis. Nou ka reponn kesyon espesifik yo ant 7 a.m. ak 7 p.m., lendi jiska vandredi. Anjeneral, w ap gen yon tan ki pi kout pou tann si ou rele pandan jou lasemèn apre madi. Nou kapab bay enfòmasyon nan lang Angle yon sèvis telefon otomatik ki fonksyone 24 èdtan pa jou. Si ou soud oswa si ou mal pou tandem, ou ka rele nimewo TTY nou, **1-800-325-0778**.

Nou vle asire nou tou ke ou resevwa bon jan enfòmasyon avèk jantiyès. Se pou rezon sa a ke genyen yon dezyèm reprezantan Sekirite Sosyal pou kontwole kèk apèl telefonik.

Ki sa ki andedan

Entwodiksyon	4
Konsènan benefis ou	4
Sèvis nou ofri yo	7
Sa ou dwe rapòte ban nou	8
Travay epi resevwa Sekirite Sosyal anmenmtan	14
Lòt enfòmasyon enpòtan	17
Yon ti mo sou Medicare	21

Entwodiksyon

Tiliv enfòmasyon sa a eksplike kèk nan dwa ak responsabilite ou genyen lè w ap resevwa benefis pou retrèt oswa benefis sivivan.

Nou sijere pou w pran yon ti tan kounye a pou li tiliv sa a epi pou sere li yon kote ki an sekirite pou w kapab al ladan alavni.

Si w ap resevwa peman Revni Sekirite Siplementè (SSI) tou, mande *What You Need To Know When You Get Supplemental Security Income (SSI)* (*Ki sa ou bezwen konnen lè ou jwenn Revni Sekirite Siplementè*, Piblikasyon nimewo 05-11011, disponib nan lang angle sèlman).

Konsènan benefis ou

Kilè ak kouman peman benefis ou yo fèt

Peman benefis Sekirite Sosyal fêt chak mwa nan mwa ki vini apre mwa peman an dwe fêt; pa egzanp, ou ap resevwa benefis mwa Jiyè ou nan mwa Out. Anjeneral, jou nan mwa ou resevwa peman benefis yo depann de dat nesans moun ki gen dosye salè epi ki pèmèt ou ap resevwa benefis yo. Pa egzanp, si w ap resevwa benefis antan yon travayè ki retrete, n ap detèmine benefis ou dapre dat ou fêt. Si w ap resevwa benefis dapre travay mari oswa madanm ou, n ap detèmine dat peman benefis a dapre dat nesans mari oswa madanm ou.

Dat nesans	Benefits ki peye chak mwa nan jou sa yo
1ye – 10yèm	Dezyèm Mèkredi
11yèm - 20yèm	Twazyèm Mèkredi
21yèm - 31yèm	Katriyèm Mèkredi

Si w ap resevwa benefis Sekirite Sosyal ak benefis SSI alafwa, peman Sekirite Sosyal ou ap rive nan twazyèm mwa a epi peman SSI ou ap rive nan premye mwa a.

Peman elektwonik

Lè ou te aplike pou avantaj Sekirite Sosyal, ou te dwe enskri non ou pou resevwa peman yo sou fòm elektwonik. Si ou pa t enskri non ou pou resevwa peman elektwonik lè ou te aplike pou avantaj yo, nou ankouraje ou pou fè sa toutbon. Ou dwe chanje pou pran peman elektwonik apati lye mas 2013. Si ou pa fè sa, Depatman Trezò Etazini ka voye avantaj ou yo nan pwogram kat Direct Express® pou evite sispansyon nan peman an.

Depo dirèk se yon fason ki senp, garanti ak pwoteje pou resevwa avantaj ou yo. Kontakte bank ou pou yo ede ou enskri non ou. Oswa ou kapab enskri non ou pou depo dirèk depi ou kontakte nou.

Yon lòt chwa se pwogram kat Direct Express®. Avèk Direct Express®, y ap fè depo peman federal yo dirèkteman sou kont kat la. Li rapid ak fasil pou enskri non ou pou kat la. Rele Sant Kontak Solisyon Peman Elektwonik Trezò a nan nimewo **1-800-333-1795**. Oswa enskri non ou sou Entènèt nan sitwèb www.GoDirect.org. Epitou, Sekirite Sosyal kapab ede ou enskri non ou.

Yon twazyèm chwa se yon Kont Transfè Elektwonik. Kont sa a ki pa chè epi ki gen asirans federal ap pèmèt ou jwi pwoteksyon, sekirite ak itilite peman otomatik yo. Ou kapab kontakte nou oswa ou kapab ale sou Entènèt nan sitwèb nou www.eta-find.gov pou jwenn enfòmasyon sou pwogram sa a, oswa pou jwenn yon bank, epay ak prè oswa koperativ toupre ou ki ofri kont sa a.

Si w ap resevwa avantaj yo nan sèvis lapòs

Pou evite pwoblèm, ou ta dwe chanje chèk ou oswa depoze li imedyatman apre w fin resevwa li. Ou pa ta dwe siyen chèk ou touttan ou pa rive kote w ap chanje li a. Si w siyen chèk la davans epi ou pèdi li, moun ki jwenn li kapab chanje li.

Ou dwe chanje yon chèk gouvènman nan mwens pase 12 mwa ki vini apre dat ou resevwa chèk la oswa y ap anile chèk la. Apre yon lane, si w toujou gen dwa pou resevwa peman an, n ap ranplase chèk ki anile a.

Si peman ou anreta oswa si ou pa jwenn li

Si ou pa resevwa peman elektwonik ou nan dat ou dwe jwenn li a, rele nou imedyatman nan nimewo gratis nou, **1-800-772-1213**. Si ou pa resevwa chèk ou nan dat ou dwe jwenn li a, rete tann twa (3) jou ouvrab anvan ou fè nou konnen ou pa jwenn chèk ou. Rezon ki pi komen pou resevwa chèk ou anreta se paske ou pa t rapòte yon chanjman adrès.

Si chèk ou menm pèdi oswa si yo volè chèk ou, kontakte nou imedyatman. Nou kapab ranplase chèk ou, men sa pran tan.

Fason pou retounen avantaj nou pa dwe ou

Si ou resevwa yon peman elektwonik epi ou konnen nou pa dwe ou peman an, fè enstitisyon finansye ou retounen li nan Depatman Trezò Etazini. Si ou resevwa yon chèk epi ou konnen nou pa dwe ou chèk la, retounen chèk la nan nempòt biwo Sekirite Sosyal oswa retounen chèk la nan Depatman Trezò Etazini nan adrès ski ou anvlop chèk la. Ou ta dwe ekri VOID nan pati devan chèk la epi ajoute yon nòt ki endike ki rezon ki fè ou voye chèk la retounen. Si ou fè espre pou aksepte peman nou pa dwe ou, ou ka jwenn akizasyon kriminèl pou sa.

Peman taks sou benefis ou

Apeprè yon tyè (1/3) moun k ap resevwa benefis Sekirite Sosyal dwe peye taks sou benefis yo. W ap gen pou peye taks sou benefis ou yo si w ranpli fòm taks federal ou “apa”, epi revni total ou pi plis pase \$25,000. Si w ranpli fòm taks ou an komen, w ap gen pou peye taks si ou menm ak mari oswa madanm ou genyen yon revni total ki pi plis pase \$32,000. Si w marye epi ou ranpli fòm taks ou apa, w ap pètèt peye taks sou benefis ou.

Pou fè yo kenbe taks federal yo, ou kapab jwenn yon Fòm W-4V nan Sèvis Internal Revenue depi w rele gratis nan nimewo **1-800-829-3676**, oswa depi w ale sou sit wèb nou. Apre w fin ranpli ak siyen fòm lan, retounen li nan biwo Sekirite Sosyal zòn ou pa lapòs oswa ale nan biwo a an pèsòn.

Pou jwenn plis enfòmasyon, rele Sèvis Internal Revenue gratis nan nimewo **1-800-829-3676**, pou mande Biblikasyon 554, *Tax Guide for Seniors (Gid fiskal pou senyò)*, ak Biblikasyon 915, *Social Security and Equivalent Railroad Retirement Benefits (Sekirite Sosyal ak Benefits ekivalan pou retrèt anplwaye chemen dfe.)*

Sèvis nou ofri yo.

Sèvis Sekirite Sosyal gratis

Kèk biznis ap fè reklam pou fè konnen yo kapab chanje non oswa kat Sekirite Sosyal pou yon frè. Se Sekirite Sosyal ki founi sèvis sa yo, kidonk ou pa gen okenn frè pou peye pou yon sèvis ki gratis. Rele nou oswa ale sou sit wèb nou anvan. Sekirite Sosyal se pi bon kote pou jwenn enfòmasyon sou Sekirite Sosyal.

Mizajou nan enfòmasyon yo

Detanzantan, n ap voye enfòmasyon enpòtan ba ou sou benefis Sekirite Sosyal, tankou:

- **Ajisteman koudlavi**

Si koudlavi a ogmante, nan mwa janvye, avantaj ou yo ap ogmante otomatikman. Si w ap resevwa benefis ou yo sou fòm depo dirèk, n ap fè ou konnen nouvo kantite lajan an davans. Si w ap resevwa avantaj ou yo sou fòm chèk, n ap mete yon avi pou eksplike ajisteman koudlavi a ansanm avèk chèk ou.

- **Limit salè anyèl**

Si ou pokonnan laj konplè pou pran retrèt ou, gen yon limit nan kantite lajan ou kapab touche epi w ap toujou resevwa tout avantaj Sekirite Sosyal ou. Anjeneral, kantite lajan sa a ogmante chak ane. N ap fè ou konnen nouvo kantite lajan an davans. Pou jwenn plis enfòmasyon, ansanm avèk limit ane 2012 la, gade paj 14 lan.

Fason n ap kontakte ou

Anjeneral, nou voye yon lèt oswa yon avi ba ou pa lapòs lè nou vle kontakte ou, men pafwa yon anplwaye Sekirite Sosyal kapab vini lakay ou. Anplwaye nou an ap montre w pyès idantifikasyon li anvan li pale osijè benefis ou yo. Si w ta pa kwè yon moun ki fè w konnen li se yon anplwaye Sekirite Sosyal, rele biwo Sekirite Sosyal pou mande si yo te voye yon moun vin wè ou. Epitou sonje, anplwaye Sekirite Sosyal p ap janm mande w lajan pou fè yon bagay pou ou.

Sa ou dwe rapòte ban nou

Responsabilite ou

Li enpòtan pou fè nou konnen imedyatman kèlkeswa lè ou gen youn nan chanjman ki nan lis ki sou paj 8-13.

REMAK: *Si w pa rapòte yon chanjman, sa kapab lakòz ou resevwa plis lajan. Si w ta resevwa plis lajan, n ap fè w remèt nenpòt lajan ki pa pou ou. Epitou, si w pa rapòte chanjman yo nan moman apwopriye oswa si w fè fo deklarasyon avèk entansyon ou, nou kapab sispann benefis ou yo. Pou premye vyolasyon an, n ap sispann benefis ou yo pandan sis (6) mwa; pou dezyèm vyolasyon an, n ap sispann benefis ou yo pandan 12 mwa, epi pou twazyèm vyolasyon an, n ap sispann benefis ou yo pandan 24 mwa.*

Ou kapab rele nou, ekri nou oswa vin kote nou pou rapòte yon chanjman. Ou dwe genyen nimewo reklamasyon ou nan men ou. Si w ap resevwa benefis yo dapre travay ou, nimewo reklamasyon ou se menm ak nimewo Sekirite Sosyal ou. Si w ap resevwa benefis sou dosye travay yon lòt moun, nimewo reklamasyon ou ap parèt sou nenpòt lèt nou voye ba ou konsènan benefis yo.

Lè w bay enfòmasyon ou bay nan yon lòt biwo gouvènman, biwo a kapab bay Sekirite Sosyal enfòmasyon yo, men ou dwe rapòte chanjman yo ban nou tou.

Si w estime chanjman nan salè ou

Si w ap travay, anjeneral nou mande w pou estime salè ou pou ane a. Si, pandan ane a, salè ou vin pi wo oswa pi ba pase sa w te estime a, fè nou konnen sa a san pèdi tan pou nou ka ajiste benefis ou. Al gade “Travay epi Resevwa Sekirite Sosyal anmenmtan” nan paj 14 pou ede fè estimasyon ki egzat.

Si w demenaje

Lè w ap planifye pou demenaje, fè nou konnen nouvo adrès ou ak nimewo telefòn ou imedyatman ou vin konnen yo. Menm si w ap resevwa benefis ou sou fòm depo dirèk, Sekirite Sosyal dwe jwenn adrès kòrèk ou pou nou kapab voye lèt ak lòt enfòmasyon enpòtan ba ou. Benefis ou yo ap sispann si nou pa anmezi pou kontakte ou. Ou kapab chanje adrès ou sou ti wèb nou, www.socialsecurity.gov/onlineservices. Oswa ou kapab rele gratis nan nimewo **1-800-772-1213** pou w itilize sistèm otomatik nou.

Si nenpòt manm nan fanmi ou k ap resevwa benefis yo ta demenaje avèk ou, tanpri fè nou konnen non yo. Pa blyie ranpli yon fòm chanjman adrès nan biwo lapòs ki toupre ou.

Si w chanje kont pou depo dirèk la

Si w chanje enstitisyon finansye oswa si w louvri yon nouvo kont, ou kapab chanje depo dirèk ou sou entènèt si w genyen yon nimewo idantifikasiyon pèsonèl oswa yon modpas. Oswa, nou kapab chanje enfòmasyon pou depo dirèk ou nan telefòn apre nou fin verifye idantite ou. Ou dwe gen nouvo ak ansyen nimewo kont labank ou nan men ou lè w rele nou. Y ap enprime yo sou chèk pèsonèl ou yo oswa sou etadkont ou. Sa pran apeprè 30-60 jou pou chanje enfòmasyon sa yo. Pa fèmen ansyen kont ou touttan ou pa fin asire depo benefis Sekirite Sosyal ou fèt nan nouvo kont ou.

Si yon moun pa kapab pou jere lajan

Pafwa yon moun pa kapab pou jere pwòp lajan li. Si sa ta rive, moun nan ta dwe fè nou konnen sa. Nou kapab fè aranjman pou yon manm fanmi oswa yon lòt moun, oswa yon òganizasyon ki dakò pou itilize lajan an pou byennèt moun k ap resevwa avantaj yo. Nou rele moun sa a oswa òganizasyon sa a yon “reprézentant

benefisyè.” Pou jwenn plis enfòmasyon, mande *A Guide For Representative Payees (Yon Gid Pou Benefisyè ki gen Reprezantan*, Piblikasyon Nimewo 05-10076, ki disponib nan lang Angle sèlman).

REMAK: Moun ki gen “lagad legal” oswa “pwokirasyon” pou yon moun pa kalifye otomatikman pou vin reprezantan benefisyè a.

Si w pran panson nan travay ki pa gen pwoteksyon Sekirite Sosyal

Si w kòmanse resevwa lajan panson nan yon travay ki pa t peye taks Sekirite Sosyal—pa egzanp, nan Sistèm Panson Sèvis Sivil federal oswa kèk sistèm leta oswa sistèm panson lokal—li kapab nesesè pou nou rekalkile benefis Sekirite Sosyal ou, epi benefis yo kapab diminye. Epitou, fè nou konnen si kantite lajan panson ou chanje.

Si ou marye, separe oswa divòse

Si w marye oswa divòse, benefis Sekirite Sosyal ou kapab afekte, selon kalite benefis w ap resevwa.

Si benefis ou yo sispann akòz maryaj oswa remaryaj, ou kapab rekòmanse resevwa benefis yo si maryaj la sispann.

Tablo swiv a genyen ladan kèk egzanp.

Si w ap resevwa:	Kidonk:
Benefis pou retrèt ou	Benefis ou yo ap kontinye
Benefis mari oswa madanm	Benefis ou yo ap kontinye si w divòse epi si w gen laj 62 zan oswa plis sof si ou te marye pou mwens pase 10 zan.
Benefis vèf oswa vèv	W ap kontinye resevwa benefis ou yo si w remarye lè w genyen laj 60 tan oswa plis.
Nenpòt lòt kalite benefis	Anjeneral, benefis ou yo ap sispann lè w marye. Ou kapab rekòmanse resevwa benefis yo si maryaj la sispann.

Si ou chanje non ou;

Si ou chanje non—nan maryaj, divòs oswa desizyon tribinal—ou dwe fè nou konnen sa touswit. Si w pa ban nou enfòmasyon sa yo, benefis ou yo ap prezante sou ansyen non ou epi, si w genyen depo dirèk, peman yo kapab pa rive nan kont ou. Si w ap resevwa chèk, ou kapab pa anmezi pou chanje chèk yo si idantifikasyon ou pa menm ak non ki sou chèk ou.

Si w ap resevwa benefis yo paske ou w ap pran swen yon timoun

Si w ap resevwa benefis yo paske w ap pran swen yon timoun ki poko gen laj 16 zan oswa ki enfim, ou ta dwe fè nou konnen sa touswit si w p ap pran swen timoun lan ankò oswa si w chanje adrès. Ban nou non ak adrès moun k ap viv avèk timoun lan.

Yon separasyon pou yon ti tan pa kapab afekte benefis ou si w kontinye egzèse kontwòl paran sou timoun lan, men benefis ou yo ap sispann si w pa gen responsabilite pou timoun lan ankò. Si w retounen ap pran swen timoun lan, nou kapab kòmanse voye benefis ou yo ba ou ankò.

Benefis ou yo ap sispann lè timoun selibatè w ap bay swen an rive nan laj 16 zan sof si timoun lan enfim. Benefis pitit ou kapab kontinye jan sa eksplike nan paj 18-19.

Si yon moun adopte yon timoun k ap resevwa benefis

Lè yon moun adopte yon timoun k ap resevwa benefis, fè nou konnen nouvo non timoun lan, dat dekrè adopsyon an, epi non ak adrès nouvo paran ki adopte timoun lan. Adopsyon an p ap lakòz benefis ou sispann.

Si w vin yon paran apre w kòmanse resevwa benefis yo

Si ou vin paran yon timoun (avèk yon timoun ki adopte tou) apre ou kòmanse resevwa benefis yo, fè nou konnen enfòmasyon sou timoun nan pou nou ka deside si timoun nan elijib pou benefis yo.

Si w gen yen yon manda ki poko egzekite pou arrestasyon ou

Ou dwe fè nou konnen si w genyen yon manda darè ki poko egzekite pou nenpòt nan enfraksyon yo krim sa yo:

- Vòl pou fè pou evite pouswit jidisyè oswa anprizònman;
- chape soti nan prizon; ak
- Vòl-chape.

Ou pa kapab resevwa regilye pou pran retrèt, moun ki sove, oswa benefis pou enfimite, oswa nenpòt ki ensufizan ou ka garanti dwa moun, pou nenpòt mwa nan ki gen yon manda-darè ki poko egzekite pou nenpòt nan sa yo ofans krim grav.

Si w kondane pou yon zak kriminèl

Si w ap resevwa benefis Sekirite Sosyal epi yon kondane pou yon krim, ou ta dwe fè Sekirite Sosyal konnen sa imedyatman. Anjeneral, nou pa peye benefis yo pandan mwa yon moun nan prizon, men nenpòt manm fanmi ki kalifye kapab kontinye resevwa benefis yo.

Si w fè yon krim epi ou nan prizon

Anjeneral, nou pa peye benefis yo pou moun ki fè yon krim epi ki nan prizon sou desizyon tribinal epitou ki depannde depans leta. Sa aplike si yo jwenn moun lan:

- Pa koupab dapre rezon foli oswa faktè sanblab (tankou maladi mantal, twoub mantal oswa enkonpetans mantal); oswa
- Enkonpetan pou ale nan pwosè.

Si w vyole yon kondisyon libète kondisyonèl oswa pwobasyon

Ou dwe fè nou konnen si w vyole yon kondisyon pwobasyon oswa libète kondisyonèl ki enpoze anba lalwa federal oswa lalwa leta. Ou pa kapab resevwa benefis Sekirite Sosyal pou okenn mwa ou vyole yon kondisyon pwobasyon oswa libète kondisyonèl.

Si w kite Etazini

Si ou se yon sitwayen ameriken, ou ka vwayaje oswa viv nan peyi etranje san afekte elijiblite ou pou benefis Sekirite Sosyal ou. Men, genyen kèk peyi kote nou pa kapab voye peman benefis Sekirite

Sosyal ou. Peyi sa yo se Kanbòdj, Kiba, Kore-di-Nò, Vyvetnam ak zòn ki te nan ansyen Inyon Sovyetik (sof Ameni, Estoni, Letoni, Lityani ak Larisi). Men, genyen eksepsyon ki kapab fèt pou sèten benefisyè ki kalifye nan peyi yo sof Kiba ak Kore-di-Nò. Pou jwenn plis enfòmasyon sou eksepsyon sa yo, kontakte biwo Sekirite Sosyal ki nan zòn ou.

Fè nou konnen si w planifye pou ale deyò Etazini pou yon vwayaj ki dire 30 jou oswa plis. Fè nou konnen non peyi a oswa peyi yo ou planifye pou vizite ak dat ou prevwa w ap kite Etazini. N ap voye enstwiksyon espesyal ba ou sou fason pou fè rapò epi pou fè nou konnen kouman pou fè aranjman pou benefis ou yo pandan ou pa nan peyi a. Pa blyie fè nou konnen lè w ap retounen Ozetazini.

Si ou se yon sitwayen epi ou retounen vin viv Ozetazini, ou dwe bay dokiman ki pwouve ou ap yon sitwayen ameriken pou w kapab kontinye resevwa benefis yo. Si w ap travay deyò Etazini, gen règ diferan ki aplike pou nou detèmine si w ka resevwa benefis.

Pou jwenn plis enfòmasyon, mande *Your Payments While You Are Outside The United States (Peman ou yo pandan ke w deyò Etazini, Piblikasyon nimewo 05-10137, disponib nan lang angle sèlman).*

Si kondisyon sitwayènte ou chanje

Si w pa yon sitwayen ameriken, fè nou konnen si w vin yon sitwayen ameriken oswa chanjman sou kondisyon ki endike ou pa yon sitwayen ameriken. Si kondisyon imigrasyon ou ekspire, ou dwe ban nou nouvo prèv ki montre ou kontinye ap viv legalman Ozetazini.

Si yon benefisyè ta mouri

Fè nou konnen si yon moun k ap resevwa benefis Sekirite Sosyal ta mouri. Benefis yo pa peyab pou mwa moun lan mouri a. Sa vle di pa egzanz si moun lan te mouri nenpòt lè nan mwa Jiyè, ou dwe retounen chèk ou resevwa nan mwa Out la (ki reprezante peman pou mwa Jiyè). Si peman an fèt sou fòm depo dirèk, ou dwe fè enstitisyon finansye a konnen lanmò moun lan tou imedyatman pou li kapab retounen nenpòt peman ou te resevwa apre lanmò a.

Manm fanmi yo kapab kalifye pou benefis sivivan Sekirite Sosyal lè yon moun k ap resevwa benefis yo mouri.

Si w ap resevwa benefis Sekirite Sosyal ak benefis pou Retrèt nan Vwa Fere

Si w ap resevwa benefis Sekirite Sosyal ak benefis Retrèt nan Vwa Fere alafwa dapre travay mari oswa madanm ou epi mari oswa madanm ou ta mouri, ou dwe fè nou konnen sa imedyatman. Ou p ap kalifye ankò pou resevwa toulède benefis yo. N ap fè w konnen ki benefis sivivan w ap resevwa.

Travay epi resevwa Sekirite Sosyal anmenmtan

Kouman salè ou afekte benefis ou yo

Ou kapab kontinye travay epi ou toujou ap resevwa benefis Sekirite Sosyal pou retrèt. Salè ou nan (oswa apre) mwa ou gen laj konplè pou pran retrèt la p ap diminye benefis Sekirite Sosyal ou. Men tou, benefis ou ap diminye si salè ou depase sèten limit pou mwa anvan ou gen laj konplè pou pran retrèt la. (Laj konplè pou pran retrèt se 66 pou moun ki fêt an 1943-1954 epi laj la ap ogmante ofiamezi a 67 tan pou moun ki fêt an 1960 oswa apre 1960.)

- Si w pokon laj konplè pou pran retrèt ou, n ap dedui \$1 nan benefis ou sou chak \$2 nan salè ou genyen ki depase limit anyèl la (\$14,640 an 2012).
- Nan ane ou rive nan laj konplè pou pran retrèt ou, n ap retire \$1 sou chak \$3 ou touche sou yon limit anyèl \$38,880 an 2012) diferan jouk mwa ou vin gen laj konplè pou pran retrèt la. Answit, w ap resevwa tout peman benefis Sekirite Sosyal ou, kèlkeswa kantite lajan w ap touche.

Si w pokon laj konplè pou pran retrèt ou epi kèk nan benefis ou vin difere paske peman benefis Sekirite Sosyal ou pi plis pase \$14,640, genyen kèk bòn nouvèl pou ou. Lè w rive nan laj konplè pou pran retrèt ou, benefis ou yo ap ogmante pou ajoute mwa ou pa t resevwa benefis oswa pou ajoute mwa benefis ou yo te diminye.

Epitou, nenpòt lajan ou touche apre w fin enskri non pou Sekirite Sosyal kapab ogmante mwayèn jeneral salè ou, epitou benefis ou kapab ogmante pètèt.

Pou jwenn plis enfòmasyon, mande *Kòman Travay Ou Afekte Benefis Ou* (Piblikasyon nimewo 05-10069-HC).

Yon règleman espesyal pa mwa

Kèk moun ki pran retrèt nan mitan ane a déjà touche plis pase limit salè anyèl la. Se rezon sa a ki fè genyen yon règleman espesyal pa mwa ki aplike sou salè pou yon ane, anjeneral nan premye ane retrèt la. Dapre règleman sa, ou kapab resevwa tout benefis Sekirite Sosyal pou nenpòt mwa ou touche lajan ki anba yon sèten limit, kèlkeswa kantite lajan ou touche pou ane a.

An 2012, si yon moun poké gen laj konplè pou pran retrèt (laj 66 pou moun ki fêt an 1943-1954) epi moun sa a ap touche \$1,220 oswa mwens pa mwa, moun sa a konsidere kòm yon moun ki retrete. Pa egzanp, John Smith pran retrèt li nan laj 62 zan nan dat 30 out 2012. Li ap touche \$45,000 jiska mwa out la. Li pran yon djòb atan-pasyèl ki kòmanse an Septanm pou \$500 pa mwa. Menm si salè li pou ane a depase limit 2012 lan (\$14,640), li ap resevwa yon peman Sekirite Sosyal pou mwa Septanm lan jouk nan mwa Desanm. Se paske salè li nan mwa sa yo pi piti pase \$1,220 ki reprezante limit espesyal pa mwa “premye ane retrèt la” pou moun ki poké gen laj konplè pou pran retrèt. Si Msye Smith touche plis pase \$1,220 pou nenpòt nan mwa sa yo (Septanm jouk Desanm), li p ap resevwa yon benefis pou mwa a.

Apati ane 2013, se sèlman limit anyèl yo k ap aplike pou li paske li depase premye ane retrèt li eli li déjà itilize règleman espesyal pa mwa a pandan ane a.

Si w se yon travayè endepandan, limit pa mwa a baze sou si ou fè sèvis enpòtan nan biznis ou. Anjeneral, si w travay pandan plis pase 45 èdtan pa mwa nan travay endepandan ou, ou p ap anmezi pou resevwa benefis yo pou mwa a.

Si w te travay pou salè

Salè a konte nan limit salè lè w reyalize li, pa lè w touche li. Si w gen revni ou reyalize nan yon ane, men peman an te fêt nan ane annapre a, li p ap konte kòm revni pou ane ou resevwa li a. Kèk egzanp revni difere gen ladan peman akimile pou konje maladi oswa pou vakans, bonis, opsyon acha aksyon ak lòt konpansasyon difere. Si w resevwa peman salè nan yon ane pou travay ou te fè ane anvan, ou ta dwe kontakte nou.

Nou fè aranjman avèk Sèvis Internal Revenue pou fè travay yo rapòte kèk kalite konpansasyon difere dirèkteman sou Fòm W-2. Kantite lajan sa yo parèt sou yon kaz ki gen tit, “Nonqualified plans” (Plan pou ki pa kalifye). N ap retire kantite ki parèt nan kaz la nan salè total ou pou detèmine ki salè pou nou konte pou ane a.

Si ou se yon travayè endepandan

Si w se yon travayè endepandan, revni an konte lè ou resevwa li—pa lè ou reyalize li—sof ou resevwa peman pou li yon ane apre ou vin gen dwa pou resevwa benefis Sekirite Sosyal epi si ou te reyalize li anvan ou te vin gen dwa pou benefis yo. Pa egzanp, si w te kòmanse resevwa benefis Sekirite Sosyal an Jwen 2011 epi ou resevwa lajan an Fevriye 2012 pou travay ou te fè anvan Jen 2011, sa p ap konte nan limit salè 2012 ou. Men, si lajan ou resevwa an Fevriye 2012 la se te pou travay ou te fè apre Jwen 2011, sa ap konte nan limit salè 2012 ou.

Rapòtaj salè ou

Paske salè ou kapab afekte benefis Sekirite Sosyal ou, nou bezwen konnen konbyen lajan ou touche pandan ane a. Anjeneral, nou jwenn enfòmasyon sa yo nan:

- Salè travay ou rapòte sou Fòm W-2 ou; ak
- Salè travay endepandan ou ki rapòte sou fòm taks ou.
Ou dwe rapòte salè ou ban nou apre fen ane a sèlman si:
 - Ou kalifye pou règleman spesyal pa mwa (al gade paj 15) epi si ou te touche mwens pase limit pa mwa a (si se sa, fè nou konnen pou nou kapab peye ou benefis yo pou mwa a);
 - Kèk nan salè oswa tout salè ki parèt sou Fòm W-2 ou te touche nan ane ou rapòte a;
 - Salè ou te depase limit la epi ou potko gen yon pèt nè nan travay endepandan ou;
 - Fòm W-2 ou montre salè travay ou rapòte epi pou w ajoute sou fòm taks travay endepandan (minis, pa egzanp);
 - Ou te ranpli fòm taks travay endepandan ou, men ou pa t fè okenn sèvis nan biznis ou oswa ou ranpli fòm taks ou chak ane fiskal;

- Ou se yon kiltivatè epi ou resevwa peman pwogram agrikòl federal oswa ou gen revni nan rekòlt; oswa
- Nou te kenbe kèk benefis, men ou pa t gen salè pou ane a oswa salè ou te pi pase sa ou te deklare ban nou a.

Si nou dwe ajiste kantite lajan benefis ou, dapre rapò ou, n ap fè w konnen sa. Li enpòtan pou ou revize enfòmasyon yo. Apeprè nan mitan ane a, n ap voye ba ou yon lèt pou nou mande w pou estime salè w ap touche a ak salè ou pral touche ane pwochèn. Estimasyon ou yo ap ede nou evite peye ou twòp lajan oswa twò piti lajan nan benefis ou yo.

REMAK: Si w ap resevwa peman Revni Sekirite Siplementè (SSI) tou anplis benefis Sekirite Sosyal ou, ou dwe rapòt tout lajan w ap touche ba Sekirite Sosyal.

Estimasyon salè ou ak benefis ou

Nou te ajiste benefis ou ane sa a dapre salè ou te deklare ban nou paske ou te espere ou t ap resevwa ane sa a.

Si lòt man fanmi ou ap resevwa benefis yo dapre travay ou, salè ou kapab afekte benefis total fanmi an. Men, si w ap resevwa benefis yo antan yon manm fanmi, salè ou ap afekte benefis ou yo sèlman.

Revizyon estimasyon ou

Lè w ap travay, ou ta dwe sere souch chèk ou yo. Nenpòt lè pandan ane a, si w ta remake salè ou ap pa menm ak sa ou te estime a, ou ta dwe rele nou pou revize estimasyon an. Sa ap ede nou kite kantite lajan benefis Sekirite Sosyal ou kòrèk.

Lòt enfòmasyon enpòtan

Benefis pou retrèt pou moun ki vèf ak vèv

Ou kapab chanje benefis retrèt ou dapre pwòp travay ou si benefis yo pi plis pase sa w ap resevwa a dapre travay mari oswa madanm ou ki mouri. Benefis sa yo kapab pi plis pase lè w vin gen laj 62 zan oswa pètèt nan fen laj 70 zan ou. Règ yo konplike epi yo chanje dapre sitiyasyon ou. Si w pa pale avèk yon anplwaye Sekirite Sosyal konsènan benefis retrèt ou (oswa sikonstans yo chanje), kontakte biwo Sekirite Sosyal zòn ou pou diskite sou chwa ki disponib pou ou.

Benefis pou timoun

Si yon timoun ap resevwa benefis dapre travay ou, genyen enfòmasyon enpòtan ou ta dwe konnen sou benefis li yo:

- **Lè yon timoun vin gen laj 18 tan**

- Benefis yon timoun ap sispann nan mwa anvan timoun lan vin gen laj 18 tan, sof si timoun lan swa enfim oswa si li se yon élèv atanplen nan lekòl primè oswa nan lekòl segondè.
- Apeprè senk (5) mwa anvan timoun lan vin genyen laj 18 tan, moun k ap resevwa benefis timoun lan ap resevwa yon fòm ki eksplike fason benefis yo kapab kontinye.
- Yon timoun ki genyen benefis li sispann lè li vin gen laj 18 tan kapab jwenn benefis yo ankò si li vin enfim anvan li vin genyen laj 22 zan oswa si li vin yon élèv atanplen nan lekòl primè oswa nan lekòl segondè anvan li vin genyen laj 19 ane.

- **Si yon timoun enfim**

- Yon timoun kapab kontinye resevwa benefis li yo apre li vin genyen laj 18 tan si li genyen yon enfimite. Timoun lan kapab kalifye tou pou li resevwa peman enfimite SSI. Rele nou pou jwenn plis enfòmasyon.

- **Si yon timoun 18 tan se yon élèv**

- Yon timoun kapab resevwa benefis yo pou jouk li vin genyen laj 19 ane si li kontinye al lekòl atanplen nan yon lekòl primè oswa nan yon lekòl segondè. Lè pitit ou vin gen laj 19 ane pandan yon trimès lekòl, benefis li yo kapab kontinye pou jouk li fini trimès la, oswa pandan de (2) mwa ki vini apre lè li vin genyen laj 19 ane a, kèlkeswa sa ki vini anvan.
- Ou ta dwe fè Sekirite Sosyal konnen imedyatman si élèv la abandone lekòl, si li ale lekòl atan pasyèl alaplas atanplen an, se yo mete li deyò oswa si yo sispann lekòl la oswa si li chanje lekòl. Ou ta dwe fè nou konnen tou si élèv la resevwa peman travay li pou li ale lekòl.
- Nou voye yon fòm ba chak élèv nan kòmansman ak nan fen ane akademik lan. Li enpòtan pou w ranpli fòm lan epi pou retounen li ban nou. Benefis yo kapab sispann si nou pa resevwa fòm lan.

- Yon elèv kapab kontinye ap resevwa benefis yo pandan yon peryòd vakans kat (4) mwa oswa mwens si li planifye pou retounen lekòl atanplen nan fen vakans lan.
- Anjeneral, yon elèv ki sispann ale lekòl kapab resevwa benefis yo ankò si li retounen lekòl atanplen anvan li vin genyen laj 19 ane. Elèv la dwe kontakte nou pou li kapab re-aplike pou benefis yo.
- **Kouman divòs afekte benefis yon bofis oswa bélfi**
 - Si yon bofis oswa bélfi ap resevwa benefis yo dapre travay ou ak divòs ou menm ak paran timoun lan, benefis bofis oswa bélfi a ap sispann nan mwa ki vini apre divòs la vin final. Ou dwe fè nou konnen imedyatman lè divòs la vin final.

Pwogram Asistans Nitrisyon Siplementè (oupon pou achte manje - food stamps)

Ou ta ka anmezi pou resevwa èd nan Pwogram Asistans Nitrisyon Siplementè (SNAP), ki te rele anvan koupon pou achte manje. Ale sou Entènèt nan sitwèb www.fns.usda.gov/snap pou konnen kijan pou aplike. Pou jwenn plis enfòmasyon, mande *Nutrition Assistance Programs (Pwogram Asistans Nitrisyon, Piblikasyon Nimewo 05-10100, ki disponib nan lang Angle sèlman) oswa mande Enfòmasyon sou Pwogram Asistans Nitrisyon Siplementè (SNAP) (Piblikasyon Nimewo 05-10101-HC)*.

Èske ou kapab resevwa SSI?

Si w pa t genyen anpil revni ak resous, SSI kapab anmezi pou ede ou. SSI se yon pwogram federal n ap dirije. SSI jwenn finansman nan revni jeneral yo, pa nan taks Sekirite Sosyal yo.

SSI fè peman pa mwa pou moun ki genyen laj 65 kan oswa plis oswa pou moun ki avèg oswa enfim. Si w ap resevwa SSI, ou kapab resevwa lòt benefis tou, tankou Medicaid, SNAP ak lòt sèvis sosyal.

Nou p ap konsidere kèk nan revni ou ak kèk nan resous ou lè n ap deside si ou kalifye pou resevwa peman SSI. Anjeneral, kay ou ak oto ou, pa egzanp, pa konsidere kòm resous. Rele nou pou jwenn plis enfòmasyon oswa pou aplike pou SSI.

Si w pa dakò avèk desizyon nou pran

Si w genyen nenpòt kesyon konsènan kantite lajan peman oswa konsènan enfòmasyon nou voye ba ou, kontakte nou.

Si w pa dakò avèk yon desizyon nou pran, ou gen dwa pou mande pou nou re-konsidere desizyon an. Ou dwe fè demann ou alekri epi ou dwe soumèt demann lan nan nenpòt biwo Sekirite Sosyal anvan 60 jou ki vini apre dat ou resevwa lèt ou doute a.

Si w toujou pa satisfè, genyen lòt mezi ou kapab pran. Mande *Dwa ou pou kesyone desizyon an te fè sou reklamasyon w la* (Piblikasyon nimewo 05-10058-HC).

Dwa ou pou reprezantasyon

Ou kapab fè pwòp kontestasyon ou avèk èd gratis nan Sekirite Sosyal, oswa ou kapab chwazi pou fè yon reprezantan ede ou. Nou kapab ba ou enfòmasyon sou òganizasyon ki kapab ede ou jwenn yon reprezantan.

Pou jwenn plis enfòmasyon sou fason pou chwazi yon reprezantan, mande *Dwa Ou Pou Ou Gen Reprezantan* (Piblikasyon Nimewo 05-10075-HC).

Pwoteksyon enfòmasyon pèsonèl ou

Ou ta dwe konsève kat Sekirite Sosyal ou yon kote ki pwoteje avèk lòt dokiman enpòtan ou. Pa mache avèk li sou ou si ou pa bezwen montre li nan yon travay oswa yon founisè sèvis.

Sekirite Sosyal konsève enfòmasyon pèsonèl ak konfidansyèl—non, nimewo Sekirite Sosyal, dosye salè, laj ak adrès benefisyè yp—pou anpil milyon moun. Anjeneral, n ap diskite enfòmasyon ou avèk ou menm sèlman. Lè w rele oswa lè w vin nan biwo nou, n ap poze plizyè kesyon pou ede nou verifye idantite ou. Si w vle yon lòt moun ede ou avèk biznis Sekirite Sosyal ou, n ap bezwen pèmisyon ou pou diskite sou enfòmasyon yo avèk moun lan.

Nou ankouraje ou pou w pran prekosyon ou avèk nimewo Sekirite Sosyal ou epi pou pwoteje enfòmasyon prive ou kèlkeswa sa posib.

Nou pran angajman pou pwoteje enfòmasyon prive ki nan dosye ou. Lè lalwa egzije pou nou bay enfòmasyon yo ba lòt biwo gouvènman ki administre pwogram medikal oswa pwogram byennèt, tankou Medicaid ak SNAP, biwo sa yo pa gen otorizasyon pou bay okenn lòt moun enfòmasyon yo.

Yon ti mo sou Medicare.

Medicare se yon plan nasyonal pou asirans maladi pou moun ki 65 kan oswa plis. Moun ki enfim, oswa ki gen ensifizans renal pèmanan oswa ki genyen esklewoz lateral amyotwofik (maladi Lou Gehrig) kapab resevwa Medicare nan nenpòt laj.

Medicare gen kat (4) pati

- Asirans pou lopital (Pati A) ki ede peye pou swen pasyan ki entène lopital ak sèten sèvis suivi; epi
- Asirans medikal (Pati B) ki ede peye pou sèvis doktè, swen pasyan ki pa entène lopital ak lòt sèvis medikal.
- W ap jwenn Plan Medicare Advantage (Pati C) nan plizyè zòn. Moun ki gen Pati Medicare A ak B kapab chwazi pou yo resevwa tout sèvis swen medikal yo atravè òganizasyon yon founisè swen medikal anba Pati C.
- Garanti medikaman doktè preskri (Pati D) ki ede pou medikaman doktè yo preskri pou tretman medikal.

Ki moun ki kalifye pou asirans lopital (Pati A)?

Pifò moun ap resevwa asirans pou lopital lè yo vin gen laj 65 kan. Ou kalifye pou sa otomatikman si w kalifye pou benefis Sekirite Sosyal oswa pou benefis Retrèt nan Vwa Fere. Oswa ou kapab kalifye dapre travay konjwen ou (avèk tou travay mari oswa madanm ou ki divòse). Lòt moun kalifye paske yo se anplwaye gouvènman ki pa gen pwoteksyon Sekirite Sosyal epi ki peye taks Medicare.

Si w resevwa benefis Sekirite Sosyal pou enfimite pandan 24 mwa, w ap kalifye pou asirans lopital.

Si w ap resevwa benefis pou enfimite paske ou gen esklewoz lateral amyotwofik (maladi Lou Gehrig), ou pa gen pou rete tann 24 mwa pou kalifye.

Epitou, moun ki genyen ensifizans renal pèmanan ki mande dyaliz antretyen oswa yon ranplasman ren kalifye pou asirans lopital si yo travay lontan ase oswa si yo se mari oswa madanm oswa pitit ou yon moun ki te travay lontan ase.

Ki moun ki kapab resevwa asirans medikal (Pati B)?

Prèske tout moun ki kalifye pou asirans lopital kapab enskri pou asirans medikal. Pati B a se yon pwogram ochwa. Li pa gratis. An 2012, prim estanda pa mwa se \$99.90. Kèk moun ki touche anpil lajan peye pi gwo prim.

Ki moun ki kapab resevwa plan Medicare Advantage (Pati C)?

Nenpòt moun ki gen asirans Medicare pou lopital (Pati A) ak asirans medikal (Pati B) kapab antre nan plan Medicare Advantage. Plan Medicare Advantage gen ladan:

- Plan swen kontwole Medicare;
- Plan òganizasyon founisè prefere (PPO) Medicare;
- Plan frè pou sèvis prive Medicare; ak
- Plan espesyalite Medicare.

Ou kapab gen pou peye yon prim chak mwa akòz benefis siplemantè plan Medicare Advantage ofri.

Kimoun ki kapab resevwa garanti Medicare pou medikaman doktè preskri (Pati D)?

Nenpòt moun ki genyen asirans Medicare pou lopital (Pati A) oswa asirans medikal (Pati B) oswa yon plan Medicare Advantage (Pati C) kalifye pou garanti Medicare pou medikaman doktè preskri. volontè, epi w ap peye yon prim adisyonèl chak mwa pou garanti a. Kèk moun ki touche anpil lajan peye pi gwo prim.

Pou jwenn plis enfòmasyon, kontakte nou epi mande *Medicare* (Piblikasyon nimewo 05-10043-HC).

Èd avèk depans Medicare pou moun ki p ap touche anpil lajan

Si w p ap touche anpil lajan epi ou pa gen anpil resous, eta kote w ap viv la kapab peye prim Medicare ou yo epi, nan kèk ka, lòt depans medikal “siplemantè” yo, tankou franchiz ak ko-asirans.

Se sèlman eta kote w ap viv la ki ka deside si ou kalifye pou resevwa èd nan pwogram sa yo. Si w panse ou ranpli kondisyon, kontakte biwo eta kote w ap viv la oswa biwo asistans medikal lokal (Medicaid) biwo sèvis sosyal oswa biwo asistans sosyal.

“èd siplemantè” pou frè preskripsyon Medicare

Si w pa gen anpil revni ak resous, ou kapab kalifye pou resevwa èd siplemantè pou peye pou medikaman doktè preskri ou dapre Pati D Medicare. Wòl Sekirite Sosyal se pou ede w konprann fason ou kapab kalifye ak fason pou trete aplikasyon ou pou jwenn èd siplemantè a. Pou verifye si w kalifye oswa pou aplike, rele Sekirite Sosyal nan nimewo gratis la oswa ale sou sit wèb li.

www.socialsecurity.gov



Social Security Administration

SSA Publication No. 05-10077-HC

What You Need To Know When You Get Retirement
Or Survivors Benefits (Haitian-Creole)

January 2012